

BOSNA I HERCEGOVINA
Federacija Bosne i Hercegovine
Tuzlanski kanton
GRAD GRAČANICA
GRADONAČELNIK

Broj: 02-04-02862-2026
Datum, 27.07.2026. godine

Na osnovu člana 36. tačka 11. Statuta Grada Gračanica („Službeni glasnik Grada Gračanica“ broj: 01/23), člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 9. Odluke o utvrđivanju standarda i kriterija za imenovanja na upražnjene pozicije u reguliranim tijelima Grada Gračanica („Službeni glasnik Grada Gračanica“, broj: 3/25) i Uredbe o usavršavanju predsjednika i članova nadzornih odbora i uprava privrednih društava sa učešćem državnog kapitala („Službene novine Federacije BiH“, broj 71/09, 33/10, 23/11, 2/12, 80/13, 60/16, 88/17 i 19/22) Gradonačelnik Grada Gračanica, objavljuje :

JAVNI OGLAS
za izbor i imenovanje člana
Nadzornog odbora JP „Veterinarska stanica“ d.o.o. Gračanica

Objavljuje se javni oglas za izbor i imenovanje člana Nadzornog odbora JP „Veterinarska stanica“ d.o.o. Gračanica :

- jedan član Nadzornog odbora, iz reda zaposlenih

Mandat člana Nadzornog JP „Veterinarska stanica“ d.o.o. Gračanica koji će se imenovati vezan je za mandat postojećih članova, uz mogućnost ponovnog imenovanja u skladu sa Zakonom.

I. Opis pozicije

Nadzorni odbor javnog preduzeća u okviru ovlaštenja obavlja sljedeće poslove :

- nadzire poslovanje društva,
- nadzire rad uprave,
- usvaja završni račun i usvaja izvještaj uprave o poslovanju po polugodišnjem i godišnjem obračunu, sa bilansom stanja i bilansom uspjeha,
- podnosi skupštini godišnji izvještaj o poslovanju Društva, izvještaj Nadzornog odbora i Odbora za reviziju, kao i plan poslovanja za narednu poslovnu godinu,
- bira predsjednika Nadzornog odbora,
- imenuje i razrješava upravu Društva,
- predlaže raspodjelu i način upotrebe dobiti i način pokrića gubitka,
- donosi opšta akta, za čije usvajanje nije predviđena izričita nadležnost Skupštine,
- priprema poslovnike i predlaže ih Skupštini, priprema etički kodeks i predlaže ga skupštini,
- vodi postupak za utvrđivanje kandidata odbora za reviziju i podnosi prijedlog za imenovanje odbora za reviziju skupštini,
- razmatra provedbeni propis za postupak nabavke i nadzire njegovo provođenje,
- daje mišljenje Skupštini o prijedlogu Uprave za raspodjelu dobiti,
- imenuje i razrješava direktora/članove Uprave u skladu sa postupcima utvrđenim u poslovniku odnosno poslovniciima te važećim propisima,
- daje ovlaštenja za aktivnosti koje su ograničene na osnovu odredaba Zakona o javnim preduzećima Federacije BiH,
- daje upute direktoru za provođenje uviđaja u vezi sa uočenim nepravilnostima, obrazuje povremene komisije i utvrđuje njihov sastav i zadatke, odlučuje o procjeni uložениh stvari i prava u osnovnom kapitalu, donosi odluke o nabavci i prodaji osnovnih sredstava, u skladu sa Statutom društva,
- usvaja izvještaj direktora o obavljenom službenom putovanju u inostranstvo u roku od deset dana od dana završenog putovanja,
- odlučuje o drugim pitanjima utvrđenim zakonom.

II. Opći uslovi

Kandidati za imenovanje na poziciju u Nadzorni odbora treba da ispunjavaju slijedeće opće uslove :

- da su državljani BiH,
- da su stariji od 18 godina,
- da su zdravstveno sposobni za obavljanje poslova na koje se kandiduju, (uvjerenje o zdravstvenoj sposobnosti - dostavlja izabrani kandidat),
- da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja javnog oglasa,
- da nisu pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
- da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federacije BiH,
- da nisu članovi organa zakonodavne, izvršne ili sudske vlasti ili savjetnik u smislu Zakona o sukobu interesa u institucijama vlasti Bosne i Hercegovine,
- da nemaju privatni finansijski interes u reguliranom organu u koji se kandiduju,
- da nisu osuđivani za krivično djelo nespojivo sa imenovanjem na dužnost u reguliranom organu u koji se kandiduje, pet godina od dana pravosnažnosti presude, isključujući vrijeme zatvorske kazne, te da se protiv njega ne vodi krivični postupak (uvjerenje naknadno dostavlja izabrani kandidat),
- da nije lice kome je pravosnažnim rješenjem o prekršaju izrečena zaštitna mjera „zabrana vršenja poziva, djelatnosti ili dužnosti“ niti zabrana aktivnosti za poziciju na koju se kandiduje (uvjerenje naknadno dostavlja izabrani kandidat).

III. Posebni uslovi

Pored općih uslova kandidati za člana upravnog odbora treba da ispunjava i posebne uslove:

- da imaju završenu VSS, VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova, pravnog, ekonomskog, tehničkog i drugog usmjerenja,
- da imaju najmanje tri godine radnog iskustva nakon sticanja visoke stručne spreme na poslovima u okviru svog zanimanja,
- da nisu članovi upravnog ili nadzornog odbora u nekom od reguliranih organa Grada Gračanica,
- da nisu na poziciji direktora ili člana uprave u reguliranom organu u kojem se kandiduju,
- da su prošli odgovarajuće usavršavanje u skladu sa članom 252. stav 3. Zakona o privrednim društvima ("Službene novine Federacije BiH", broj 81/15 i 75/21) i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala ("Službene novine Federacije BiH", broj 71/09, 33/10, 23/11, 2/12, 80/13, 60/16, 88/17 i 19/22), odnosno da preuzima obavezu da usavršavanje obavi u roku utvrđenom Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala,
- da imaju komunikativne i kreativne sposobnosti za savjesno, odgovorno i odlučno obavljanje upražnjene pozicije,
- da imaju sposobnost tumačenja propisa iz oblasti za koju je regulirani organ osnovan,
- da imaju sposobnost upravljanja finansijskim i ljudskim resursima.

Prilikom procjene posebnih uslova, kriteriji navedeni pod alinejama 6, 7 i 8 ove tačke izrazit će se u bodovima od 1-5.

IV. Naknada za rad

Mjesečna naknada za rad propisana je odlukom Skupštine.

V. Potrebni dokumenti

Zainteresirani kandidati dužni su podnijeti potpisanu pismenu prijavu sa potpunom dokumentacijom kojom dokazuju tražene uslove iz oglasa, i to:

- biografiju, adresu i kontakt telefon,
- izvod iz matične knjige rođenih ili ovjerenu kopiju lične karte,
- uvjerenje o državljanstvu (ne starije od 6 mjeseci),
- ovjerenu fotokopiju diplome,
- uvjerenje o radnom iskustvu,
- ovjerene izjave kandidata iz tačke II na alineju 3,4, 5, 6, 7, 8, 9 i 10 i tačke III. na alineju 3 i 4.

- certifikat da je kandidat prošao odgovarajuće usavršavanje u skladu sa Zakonom o privrednim društvima i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala, **odnosno** ovjerenu izjavu kandidata iz tačke IV. na alineju 5. da prihvata obavezu da usavršavanje obavi u roku od šest mjeseci utvrđeno Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala („Službene novine Federacije Bosne i Hercegovine“ broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).

Dokumenti koji se prilažu uz prijavu moraju biti dostavljeni u originalu ili ovjerenoj kopiji od strane nadležnog gradskog/općinskog organa ili notara.

Kandidati koji uđu u uži izbor biti će pozvani na intervju pred Komisijom za izbor. Kandidati koji ne budu stavljeni na listu sa užim izborom i ne budu pozvani na intervju neće biti razmatrani u daljem procesu imenovanja.

Podnosioci prijava sa kojima se ne stupi u kontakt u roku od 8 dana od isteka roka za podnošenje prijava neće biti uzeti u razmatranje u daljem procesu imenovanja.

Javni oglas ostaje otvoren 15 (petnaest) dana od dana posljednjeg objavljivanja, a isti će biti objavljen na web-stranici Grada Gračanica / [www. gracanica.gov.ba](http://www.gracanica.gov.ba), „Službenim novinama Federacije BiH“, u dnevnom listu „Oslobođenje“, Radio Gračanici i i oglasnim pločama Grada Gračanica.

Prijavu sa potrebnom dokumentacijom dostaviti lično ili preporučenom pošiljkom sa naznakom :
« Prijava na javni oglas za izbor i imenovanje na poziciju člana Nadzornog odbora JP „Veterinarska stanica“ d.o.o. Gračanica NE OTVARATI « na adresu Grada Gračanica, Mula Mustafe Bašeskije broj 1, 75320 Gračanica - Komisija za izbor .

Na poledini koverta upisati ime i prezime podnosioca prijave, adresu i kontakt telefon.

Neblagovremene i nepotpune prijave neće se razmatrati.

GRADONAČELNIK

Sadmir Džebo s.r.